



清代宜臺人文獻選編 第一種

# 釣璜堂存稿

(四)

徐孚遠  
撰

# 卷十二

釣璜堂存稿卷十二

懷舊樓叢書

華亭徐孚遠闇公父著

孫男懷瀚謹錄

七言律詩一

出亡後呈伯叔兼示弟姪

煙塵動地浩漫漫回首悲歌行路難  
烏石淒清西照晚螺江蕭瑟北風寒  
病深莊舄猶吟越家散留侯欲報韓  
八世簪纓今未絕可無一個泣南冠

平海軍中感賦

飄飄四海一扁舟解纜聊爲汗漫遊  
避世子眞難入谷哀時王粲且依劉  
山窮栗芋妻孥瘦浪作黿鼉日夜浮  
自歎

金瓶梅詞話卷十二  
此生多恨事幾回長嘯撫吳鉤

季冬朔日取道北發

樓船繹絡赴江東蒼兕連呼膽氣雄往往欲來洗甲雨時  
時故作折旛風揚鞭偃蹇俞兒見瘞玉葳蕤水使通師律  
自能占勝勢不須羈客歎途窮

舟行遲滯

九州屢見風塵滿三載常乖戶牖謀只有扁舟容曝日更  
無尺土可登樓行行不進如跛鼃泛泛何歸似水鷗簡點  
遺編真怪事終須棄世作浮丘

遙禮南海神

南海嘗稱廣利王閼宮肅肅鎮遐方明珠入貢牙檣穩蒼  
壁沈祠桂醕香擊鼓婆娑喧士女鞭鼉蜿蜒作橋梁逋臣  
欲濟驚波浪悵望靈旂空渺茫

臘月旅歎

國破家亡總一般扁舟歲晚不知還無兒未覺身將老思  
土頻驚鬢已斑恰似秦川悲別館可如塞北望函關更愁  
雲暗蒼梧杳龍去南溟何處攀

列戍

海上連連睥睨來高皇經略貫雄哉他年列嶂鯨鯢伏此  
日乘城鼓角哀漠北風塵愁到老中原劍佩幾時回休言

九旬終能據定有驅除衛霍才

懷宋讓木

聞君偕室赴蒼煙何意重回雪夜船鼓檝江皋悲屈子乘  
槎雲漢失張騫秋風不盡薰葭怨春日仍看翠黛妍最是  
可憐豺虎地莫將雄筆賦居延

風號連日夕

二章

元戎橫槊向江東盡日淒淒滿朔風巒谷糾紛山霧合牙  
璋舒卷暮雲同嚴更漏轉悲王粲襆被冬寒歎樂崧未暇  
長吟思猛士幾回擎幔對飛蓬

滔滔白浪且連天竟日扁舟只睡眠強弩射潮驅水怪素

車拍岸揖江仙幾回秋士思芳草不盡孤臣泣杜鵑土宇  
分崩今到此何人先著豫州鞭

久泊

浮沈滄海已經時日日臨風理鬢絲入座小冠多促席論  
兵高燾且張眉他鄉鴻雁歸飛盡故國鱸魚作膾遲遙望  
寢園佳氣在其揮羽扇莫差池

延津雜感

越人熏穴更求君制詔琳琅天下聞豈謂有窮終負夏致  
令共主復流紛紛黃髮投荒谷攘攘青袍作異軍滿目  
干戈成阻絕不堪回首盼歸雲

秘書歎

君王右武更能文  
秘閣藏書集典墳  
八駿蒼黃驅夏甸  
三車零落委秋雲  
繫船靈寶牙籤盡  
斫劍蕭家玉軸焚  
羈勒從官雖已散  
可無安世訪前聞

放舟

傳聞南海似波洄  
此日餘艖次第開  
白白游魚隨釣出  
紛紛飛燕過檣來  
未期宗慤長風去  
且擬張騫貫月回  
歷落此行多壯觀  
寓言恂恍不須猜

贈永嘉張日永

甌江一渡永嘉隲  
壯士初從巷戰來  
結客千金收驪裏  
乞

師七日動風雷椒花寂寞春盤杳棣萼飄零秋雁回客路  
逢君各灑淚相看同上望鄉臺

贈沈東生巖生

君家兄弟亦奇哉世難飄零志未衰將母扁舟溫清切迎  
親孤島信音回諸劉新壇江東體二陸原推洛下才自媿  
門牆方忝竊莫將羣紀漫相猜

贈董十繩之

董子飄零春復冬思鄉每上最高峰莫嗟世德龍蛇雜獨  
感君恩涕淚重智果先機能別族向牛違亂亦存宗他年  
上豕邀賓社馬鬣依然錫土風

漫興

歲時入眼不成歡，國難家仇并一端。  
作客每嗟身似梗，思鄉常擬夢吞丸。  
敝裘未許圖煙閣，散髮猶堪戴竹冠。  
遙擬春陵佳氣在，暫時流落且加餐。

孝陵

鍾阜蕭條風雨寒，高皇此地葬衣冠。  
那堪鐵騎憑園殿，猶有祠官泣露壇。  
矯矯蒼熊守翠柏，駢駢石馬汗雕鞍。  
何時龍馭峰頭過，百億商孫掩袂看。

有感

干戈已老真成拙，啼笑無端那息機。  
班固麤疏嬰禍酷，虞

翻偃蹇過賓稀驚心身世同鷗泛回首家鄉待鶴歸何日  
可求三畝宅躬耕隴上挹朝暉

趙俠侯沈東生董繩之皆長吟詠老夫欲將心事相  
託詩以問之

歲晚飄零意若何臨風結侶且行歌灌夫已醉狂仍發北  
海無賓愁更多獨幸諸公皆寂寞肯容老子一婆娑他年  
如過黃壚畔閒倚長松看薜蘿

陪諸公遙賀元旦

去歲親巡動玉輿還留雙闕擁宸居朝元紫氣趨庭晚拜  
表朱旛降幄紆此日駕行陪帳殿何時龍馭返周廬侍臣

退食孤舟去幾度淒涼把素書

渺渺孤山御幄開王正此日放春回朝宗不改千流入拱  
極常尊萬壑來曉仗飄零征旆繞晨鐘寂寞角聲催遙傳  
芝蓋湘潭上悵望南雲淚滿腮

除夕有懷兼懷陳臥子

杖藜時過野人家籬內桃梅齊作花臘盡已驚新暮眼春  
來還擬映朝霞椒漿遞酌身將老采勝衝寒日易斜遙憶  
孤臣蕭寺裏愁聞雞唱雜胡笳

贈常煒良兼訊令叔時有粵行

萬戶傳家舊姓名招攜鴻雁擁專城千羣鐵騎吹清甲中

夜梟音雜漢營劍入延津增寶氣鶴飛嶺表更哀鳴只愁  
部曲飄零盡寂寂何年再請纓

元日小飲憶夏何二故友

元服車書幾日通鄉關只在白雲中杯傾春酒何須綠眼  
對華鐙更欲紅遙憶故人今宿草長憐孤跡類飄蓬未知  
南斗能延算留取餘年待夢熊

再贈沈東生

憶昔賓朋過草堂自矜吟詠對滄浪羨君高調稱三絕使  
我新詩滿一囊已擬譏評歸德祖還須文籍乞中郎孤舟  
岑絕無餘事酬應忘疲清晝長

懷顧偉南

歎君高詠白雲閒  
早歲沈冥賦北山  
筆倚珊瑚人共羨  
身隨猿鶴我常閒  
每逢桑下多移晷  
時望衡門不可攀  
自恨風塵猶未已  
何年攜手一開顏

海上初回朱吏部  
傳君已自入滄浪  
相聞妻子皆攜去  
坐對琴書不可忘  
每過石梁時聽梵  
一逢麥飯便休糧  
只愁肥遯還成癖  
建武興年尙倘佯

夢中閱虜史得句覺而成之

忽忽驚魂喪亂餘  
衣冠憔悴欲何如  
于今誰擅南狐筆  
夢裏先成檇杌書  
三窟王公終被殺  
一心晏子故安居  
他年

桑梓當無恙且擬濡毫賦遂初

獨坐行吟不自裁諸公胡服亦堪哀貳師終入匈奴傳朱  
序還從肥水來豈謂盡銜亡國恨竟無人倚望鄉臺傷心  
歲暮仍蕭瑟清晝沈沈且舉杯

孫公傳自故鄉來言林安國兄弟傳服生皆無恙詩  
以訊之

去歲同時有數子相傳未改舊衣冠西京劍佩餘生在司  
隸威儀忍死看複壁藏來孫碩穩扁舟載去庾冰難只愁  
鳴鵲驚秋早芳草萋萋白露團

懷盛鄰汝書齋

金瓶梅詞話卷十二  
陳君健舉此城隅舊日居停今在無竹葉青青當夏冷花  
枝慢慢入秋殊小園未賦常移坐伯雅飛來屢見呼豈意  
飄搖皆異地登樓揮塵可能俱

俠侯盛言大瞿可以遁世聽之欣然有感

足跡嘗經滄溟外相傳海上有遺丘初登只似連鰲背遠  
望猶疑幻蜃樓自此紀年書甲子還愁把卷得春秋武陵  
溪畔人間土倘厭風塵可訪求

感懷

幾番風浪仍爲客兩度冬寒不到家睇髮山阿身似寄行  
吟澤畔日將斜從教歷落欹黃帽遮莫沈冥餐紫霞赫赫